

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj: 7/10), a u vezi sa članom 46. stav (4) Zakona o izvršavanju Budžeta Zeničko-dobojskog kantona za 2018. godinu (“Službene novine Zeničko-dobojskog kantona”, broj: 1/18), na prijedlog Ministarstva za pravosuđe i upravu, Vlada Zeničko-dobojskog kantona na 155. sjednici, održanoj 20.08.2018. godine, d o n o s i

ZAKLJUČAK

I.

Prihvata se izvještaj o utrošku sredstava za period januar-juni 2018. godine, po Programu utroška sredstava za kapitalna ulaganja za 2018. godinu, Ministarstva za pravosuđe i upravu Zeničko-dobojskog kantona, sa pozicije “Nabavka opreme”, koji čini sastavni dio ovog zaključka.

II.

Zaključak stupa na snagu danom donošenja.

Broj: 02-_____ /18.
Datum 20.08.2018. godine
Z e n i c a

PREMIJER

Miralem Galijašević

DOSTAVLJENO:

1x Ministarstvo za pravosuđe i upravu,

1x Ministarstvo finansija,

1x a/a.

**IZVJEŠTAJ O IZVRŠENJU PROGRAMA UTROŠKA SREDSTAVA
ZA KAPITALNA ULAGANJA ZA 2018. GODINU
„NABAVKA OPREME“**

Zaključkom Vlade Zeničko-dobojskog kantona broj: 02-14-4702/18 od 19.3.2018. godine usvojen je Program utroška sredstava za kapitalna ulaganja za 2018.godinu na poziciji 821300 – nabavka opreme, u ukupnom iznosu od 138.000,00 KM.

Navedenim sredstvima planirana je nabavka opreme za Ministarstvo za pravosuđe i upravu i budžetske korisnike iz nadležnosti ministarstva, koja obuhvata: kancelarijski namještaj, informatičku opremu, opremu za prenos podataka i glasa, klima uređaje i ostalo. Na osnovu prikupljenih podataka najpotrebnijih sredstava opreme od strane sudova, sačinjena je analiza i zbirni zahtjev za opremom, te pokrenuta procedura javne nabavke. Na otvoreni postupak javne nabavke, koji je sadržavao tri lota i to: lot 1 – nabavka kancelarijskog namještaja, lot 2 – nabavka računarske opreme i lot 3 - nabavka audio opreme za Općinski sud u Visokom – Odjeljenje suda u Olovu, javili su se ponuđači: jedan ponuđač za lot 1, tri ponuđača za lot 2, a za lot 3 nije dostavljena niti jedna ponuda.

Rezultat provedene javne nabavke je zaključen ugovor sa ponuđačem za lot 1 (završena isporuka u mjesecu julu koji ne obuhvata ovaj izvještajni period), lot 3 je poništen, a lot 2 je imao uloženu žalbu i cijeli predmet se nalazi u Uredu za žalbe Agencije za javne nabavke.

Kompletan izvještaj o utrošku sredstava će biti u narednom izvještajnom periodu, obzirom da će u međuvremenu biti ponovo raspisan poziv za javnu nabavku audio opreme, a pretpostavka je i da će biti doneseno rješenje po uloženoj žalbi.

Ministarstvo za pravosuđe i upravu
Mirnes Bašić